



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**M. Adami, Scriptoris Vetvsti, Historia Ecclesiastica,  
Religionis Propagatae Gesta, Ex Hammabvrgensi  
Potissimum Atque Bremensi Ecclesiis, Per Vicina  
Septentrionis Regna**

**Adamus <Bremensis>**

**Helmetadi[i], 1670**

XXIV. Friderici Imp. Confirmatio Privilegiorvm Hambvrgensi Ecclesiae  
Concessorvm.

**urn:nbn:de:hbz:466:1-11096**

nos habendum & omni tempore atq̄ jure perpetuo possidendum per nostri precepti paginam concedimus, omni nostra & nostrorum successorum, cunctorumque mortalium majorum vel minorum inquietatione remota. Parochias scilicet, decimas, terras cultas, & incultas, comitatus, mercatos, monetas, thelonea, foresta, cum omni utilitate, quæ describi vel quoquomodo inde provenire poterunt. Et ut hæc nostra regalis traditio stabilis & inconvulsa per succedentium momenta temporum permaneat, hoc inde conscriptum manu propria, ut infra videtur corroborantes, sigilli nostri impressione iussimus insigniri. Data est IX. Kalend. Novembris. Anno Dominicæ Incarnationis M. LXII. Indictione II. Anno autem Domini Heinrichi ordinationis quarti Regis VIII. regni vero VI. Actum Ratisponiæ feliciter, Amen.

## XXIV.

FRIDERICI IMP. CONFIRMATIO PRIVILEGIORVM  
HAMBURGENSE ECCLESIE CON-  
CESSORVM.

**I**N Dei nomine sanctæ & individue Trinitatis, Fridericus divina favente clementia, Romanorum Imperator Augustus. In examine cuncta Dei conspicientes equali, meritum fors credimus dantis & corroborantis. Credimus etiam ad Imperialem Majestatem nostram pertinere totius Imperij curas, præcipueq̄ omnium Sanctarum Dei Ecclesiarum commoda considerare, & omnia eis adversantia sub omni festinantia abolere, ne vel gravi incommoditate vilescant, vel qualibet nacta occasione à pristino cultu & religi-

Est & hoc inter Privilegia Archiepiscopi ecclesie Hamburg à Lindenbergio edita. pag. 111.

que recedant. Quatenus dum hoc pro amore, pariterque timore Dei fideliter peragimus, illorum qui bona sua pro affectu Deo contulerunt, meritis & gloria communicemus. Noverint igitur omnium Christi Imperijque nostri fidelium tam præsens ætas, quam successura posteritas, qualiter dilectus noster Hartvvicus Hammaburgensis Archiepiscopus obtulit Majestati nostræ privilegium Divi & Augustissimi Imp. Hludovici, primi fundatoris & constructoris Hammaburgensis Ecclesiæ, supplicans nobis, ut bona, possessiones, iura, immunitates, terminos, sicut præfatus gloriosissimus Imperator instituit, nos æternæ stabilitatis vigore, prædictæ Ecclesiæ confirmaremus. Nos itaque pia facta prædecessoris nostri clarius intuentes, & divinæ dexteræ opus per manum Christi sui completum debita affectione cordis amplectentes, quicquid in Hammaburgensi Ecclesia statuit, statuimus, quod donavit donamus, & nostra Imperiali auctoritate confirmamus. In memoriam revocantes, omnibus tam futuræ, quam præsentis vitæ fidelibus, quod cella Rodenach vocata, à sanctissimo Imperatore Carolo Magno prænominata Ecclesiæ sit donata, & cella Turholt in comitatu Flandriæ sita, donatione Hludovici Imperatoris ad perennem Hammaburgensis Ecclesiæ jurisdictionem debeat pertinere. Recolimus quoque rem magna veneratione dignissimam, quod in eodem loco trans Albiam Hammaburch nuncupato, idem gloriosissimus Imperator Hludovicus proprii vigoris Archiepiscopalem, & super omnes Ecclesias Danorum, Sueonum, Norvvegiorum, Farriæ, Gronlandorum, Hal-  
 lingo.

Fuit hic  
 Hartvvicus  
 quartus à  
 Liemaro  
 seditque  
 annos xx.  
 Vide  
 apud Lin.  
 denb. og.  
 scriptorem  
 Histor. Ar-  
 chepisc.  
 Brem. à p.  
 54. ad 59.

lingolandonum, Islandonum, Scredevindonum & omnium Septentrionalium partium, metropolitanam sedem constituit, & ut in futurum omnibus casibus sepe dictæ Ecclesie obviare posset, ne quisquam Episcoporum aliquam sibi trans Albiam vel alicubi in prædicta parochia vindicare debeat potestatem, certo limite eam circumscripsit. Terminos itaque quos Imperator Hludovvicus posuit, & eos quos Otto Imperator postmodum ex consilio Principum præfatæ Ecclesie designavit, juxta temporum æquam considerationem immutatos conservamus, & nostra Imperiali auctoritate confirmamus; quod sint videlicet termini ejusdem Ecclesie ab Albia flumine deorsum usque ad mare Oceanum, & sursum per Slavorum provinciam usque an fluvium Pene, & per ejus decursum usq. ad mare Orientale, & per omnes prædictas Septentrionis nationes. Omnes quoque paludes infra si ve juxta Albiam positas, cultas & incultas, infra terminos ejusdem parochiæ, sicut ab Imperatore Hludovico positæ sunt, & nos ponimus, ut trans Albiam se & sua ab incursum paganorum securius in his occultari queant. Et ut hæc confirmationis auctoritas sui vigoris perpetuam obtineat firmitatem, præsentem inde paginam conscribi, & sigilli nostri impressione insigniri iussimus, adhibitis idoneis testibus, quorum hæc sunt nomina: Arnoldus Moguntinensis Archiepiscopus, Everhardus Bambergensis Episcopus, Geberhardus Virzebergensis Episcopus, Albertus Aquensis Præpositus, Gerhardus Magdeburgensis Præpositus. Fridericus Dux

Sueonum, Chonradus Palatinus Comes de Rheno, Hludovicus Provincialis Comes Thuringiæ, Marquardus de Gumbach.

SIGNVM DOMINI FRIDERICI ROMANORVM IMPERATORIS INVICTISSIMI.

Ego REINALDVS Cancellarius vice Moguntinensis Archiepiscopi & Archicancellarii recognovi.

Data Franckenvort XVII, Kalend. Aprilis, Indiæ. VI.  
Anno ab subcarnatione Domini Millesimo Centesimo, Quinquagesimo octavo, regnante Domino FRIDERICO Romanorum Imperatore Augusto, Anno regni ejus VI, Imperii vero III.



E BONIS